

JU OSNOVNA ŠKOLA "MIRSAD PRNJAVORAC"
VOGOŠĆA

Datum: 20.04.2022. godine

Broj: 01-540-5/22

**ETIČKI KODEKS PONAŠANJA U ORGANIZACIJI I REALIZACIJI IZLETA
UČENIKA VI-IX RAZREDA OŠ "MIRSAD PRNJAVORAC" VOGOŠĆA**

Član 1.

U toku realizacije izleta učenici i zaposlenici su dužni svojim ponašanjem čuvati svoj ugled, ugled svoje porodice, škole, općine i svoje domovine Bosne i Hercegovine.

Član 2.

Svi učesnici koji učestvuju u realizaciji izleta dužni su se strogo pridržavati Etičkog kodeksa ponašanja.

Član 3.

Svi učesnici koji učestvuju u realizaciji izleta dužni su se okupiti na mjestu polaska najmanje 30 minuta prije dogovorenog polaska.

Član 4.

U sredstvima prevoza (voz, autobus, brod, avion i dr.) učesnici su dužni ponašati se u skladu sa pravilima lijepog ponašanja, održavati red i higijenu i počinovati se uputama vođstva puta.

Član 5.

U toku realizacije izleta strogo je zabranjeno nošenje opasnih predmeta (noževa, eksplozivnih materijala, petardi, boksera i ostalih predmeta koji mogu izazvati povrede).

Član 6.

Najstrožije se zabranjuje posjedovanje i konzumiranje cigareta, alkohola i svih vrsta psihoaktivnih supstanci u bilo koje vrijeme i na bilo kojem mjestu u toku izvođenja izleta.

Član 7.

Ukoliko se u toku izvođenja izleta kod nekog učesnika utvrdi posjedovanje ili upotreba nedozvoljenih sredstava, vođitelj puta će odmah obavijestiti školu i roditelje učenika. Odmah će biti pokrenut postupak za izricanje odgojno-disciplinskih mjera prema učeniku.

Član 8.

Ne preporučuje se nošenje skupocjenog nakita, mobitela, ostalih vrijednih predmeta, veće količine novca, a ukoliko dođe do gubljenja ili otuđivanja istih, vođstvo puta neće snositi odgovornost.

Član 9.

U toku realizacije izleta svi učesnici su dužni ponašati se kulturno uz maksimalnu toleranciju i uvažavanje po pravilima međusobne komunikacije (učenika, zaposlenika i drugih lica sa kojima učesnici stupaju u komunikaciju).

Član 10.

Tokom izvođenja izleta strogo je zabranjen svaki vid socijalno-neprihvatljivog ponašanja, diskriminacije i svih oblika nasilja. Vođstvo puta će svaki oblik ovakvog ponašanja sankcionisati, a prema istim će organi škole izreći i odgovarajuće odgojno-disciplinske mjere.

Član 11.

Svaki učesnik u toku realizacije izleta treba poštovati privatnost i imovinu drugih lica. Neprihvatljivo je preturati po tuđim stvarima, a krajnje nemoralno i kažnjivo otuđiti tuđu stvar.

Član 12.

Tokom boravka na izletu obavezno je primjerno ponašanje, biti pristojan, iskren, tolerantan (poštovati različitost), miroljubiv (moguće sukobe rješavati na nenasilan način), pozitivan (gledati dobre strane i prednosti kod drugih učesnika određene aktivnosti).

Član 13.

Pri korišćenju sanitarija (umivaonik, tuš i sl.) potrebno ih je ostaviti uredne i čiste.

Član 14.

Strogo je zabranjeno odvajanje od grupe (odlazak u wc i sl.), a da se prethodno ne javi voditeljima izleta.

Član 15.

Zabranjeno je osamljivanje bilo kojeg učesnika u toku realizacije izleta sa manje od tri učenika.


Član 16.

Učesnicima izleta je strogo zabranjen odlazak na neprikladna mjesta, a o neprikladnosti određenog mjesta će odlučivati vođstvo puta.

Član 17.

Učesnici u realizaciji izleta su obavezni upoznati vođstvo puta sa specifičnostima svog zdravstvenog stanja kako bi se na vrijeme izvršile pripreme (lijekovi, alergija, terapije) i moglo adekvatno postupiti u cilju zaštite zdravlja učesnika.

Etički kodeks je usvojen na sjednici Nastavničkog vijeća od 20.04.2022. godine.

Direktorica škole

/Amela Jašarević, MA/

